

Հավելված
ՀՀ փոխվարչապետի N 461 - Ա
որոշման

«ԱՐԵՆԻ ՀԱՄԱՅՆՔՈՒՄ ԿՐԹԱՄՇԱԿՈՒԹԱՅԻՆ ԵՎ ԵՐԻՏԱՍԱՐԴՈՒԹՅԱՆ ՀԵՏ ՏԱՐՎՈՂ ԱՇԽԱՏԱՆՔՆԵՐԻ ՈԼՈՐՏՈՒՄ ՆՈՐ ՄՈԴԵԼԻ ՆԵՐԴՐՈՒՄ» ԾՐԱԳԻՐ

1.	Ծրագրի նպատակը	Շարժական բեմ-բեռնատարի ձեռքբերում Արենի համայնքում կրթության, մշակույթի և երիտասարդության հետ տարվող աշխատանքների ոլորտում մատուցվող ծառայությունների բարելավման նպատակով: Ներդրվող մոդելը հնարավորություն կընձեռի բարելավել մշակութային կյանքի հասանելիությունը համայնքի բոլոր բնակավայրերում, խթանել համայնքային մասնակցությունն ու ակտիվությունը և ամրապնդել սոցիալական միասնականությունը՝ բնակիչների փոխադարձ կապերի զարգացման միջոցով: Շարժական բեմ-բեռնատարը անհատույց կփոխանցվի Արենի համայնքին:
2.	Ծրագրի բարեգործական որակման նպատակը	Օգտվել Հայաստանի Հանրապետության հարկերի, տուրքերի, պարտադիր վճարների գծով օրենքով սահմանված արտոնություններից:
3.	Բարեգործը	Սերբիայի Հանրապետության կառավարությունը՝ ի դեմս Հայաստանի Հանրապետությունում Սերբիայի դեսպանության:
4.	Ծրագիրը կատարողը	Միավորված ազգերի կազմակերպության զարգացման ծրագրի հայաստանյան գրասենյակ (Հայաստանի Հանրապետություն, քաղաք Երևան, Պ. Ադամյան փողոց 14, ՀՎՀՀ՝ 02522088):
5.	Ծրագրի իրականացման վայրը և բնագավառը	Հայաստանի Հանրապետություն, Վայոց ձորի մարզ, Արենի համայնք, բնագավառ՝ համայնքային զարգացում:
6.	Ծրագրի բյուջեն	65,000,000 դրամ

7.	Բարեգործություն ստացողը	Հայաստանի Հանրապետություն, Վայոց ձորի մարզ, Արենի համայնք (Հայաստանի Հանրապետություն, Վայոց ձորի մարզ, գյուղ Արենի 15 փողոց, 2 փակուղի, շենք 6, ՀՎՀՀ՝ 08914384):
8.	Ծրագրի իրականացման տևողությունը	2025 թվականի հուլիսի 26-ից մինչև 2025 թվականի նոյեմբերի 30-ը:
9.	Միջոցառումների նկարագրությունը և ժամկետները, անհրաժեշտ ֆինանսական միջոցների ծավալը	Շարժական բեմ-բեռնատարի ձեռքբերում և ներմուծում՝ 65,000,000 դրամ արժողությամբ, նախատեսվում է իրականացնել 2025 թվականի հուլիսի 26-ից մինչև 2025 թվականի նոյեմբերի 30-ը: Շարժական բեմ-բեռնատարը կփոխանցվի Արենի համայնքին, հաշվեկշռում ներառվելուց հետո համայնքը պատասխանատու կլինի շարժական բեմ-բեռնատարի շահագործման և սպասարկման համար:
10.	Ձեռք բերվող (ներմուծվող) ապրանքների ու ծառայությունների համառոտ նկարագիրը, ծավալները և նախատեսվող գինը	Շարժական բեմ-բեռնատարի՝ հազեցած անհրաժեշտ տեխնիկա-սարքավորումներով (ծավղող շարժական բեմ, լուսային և ձայնային համակարգեր, այդ թվում՝ բարձրախոսներ, լուսադիոդային համակարգ, Լեդ (LED) էկրան, պահեստային պարագաներ և այլն) ձեռքբերում և ներմուծում 65,000,000 դրամ արժողությամբ:
11.	Ծրագրի իրականացման հետ կապված կազմակերպական ծախսերը	Նախատեսված չեն:
12.	Համագործակցությունը պետական կառավարման, տեղական ինքնակառավարման մարմինների, այլ կազմակերպությունների հետ	Տարածքային կառավարման և ենթակառուցվածքների նախարարություն, Վայոց ձորի մարզի Արենի համայնք
13.	Ծրագրի արդյունավետության նկատմամբ վերահսկողության մեխանիզմների նկարագրությունը	Հաշվետվությունների մշակում և ներկայացում Միավորված ազգերի կազմակերպության զարգացման ծրագրի ծրագրային թիմին, ինչպես նաև Միավորված ազգերի կազմակերպության զարգացման ծրագրի կողմից ծրագրային հաշվետվության ներկայացում Հայաստանի Հանրապետությունում Սերբիայի դեսպանությանը: Հայաստանի Հանրապետության կառավարության 2003 թվականի հունվարի 16-ի N 66-Ն որոշմամբ հաստատված բարեգործական

		ծրագրերը բարեգործական որակելու և գրանցելու կարգի 25-րդ կետով սահմանված կարգով կներկայացվեն տեղեկություններ:
--	--	---

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՓՈԽՎԱՐՉԱՊԵՏ

Տ. ԽԱՉԱՏՐՅԱՆ